

道派

大道淵源始於老子一傳尹文始五傳而至三丰先生雖然老子之所傳亦甚多矣其間傑出者尹文始王少陽支分派別各有傳人今特就文始言之文始傳麻衣麻衣傳希夷希夷傳火龍火龍傳三丰或以爲隱仙派者文始隱關令隱太白麻衣隱石堂隱黃山希夷隱太華火龍隱終南先生隱武當此隱派之說也夫神仙無不能隱而此派更爲高隱孔子曰老子其猶龍乎言其深隱莫測也故又稱猶龍派云

按老子之道文始派最高少陽派最大少陽傳正陽正陽傳純陽純陽首傳王重陽重陽傳邱長春開北派純陽又傳劉海蟾道藏輯要

三丰全集 派攷記

三

續畢集七
×川文

海蟾傳張紫陽開南派

再按文始一派至麻衣而傳希夷少陽一派劉海蟾亦以丹法傳希夷兩派於斯一滙是三丰先生謂爲文始派也可謂爲少陽派也亦可特其清風高節終與麻衣希夷火龍相近云

前歷祖傳

太上老君其詳不可得聞累世化身未有誕生之跡嘗與文始言吾姓字渺渺從劫至劫不可具述非虛語也逮商陽甲時分神化烝始寄胎於玄妙玉女八十一年至武丁庚辰歲二月十五日卯時降生在苦縣之賴鄉曲人里李樹下指李爲姓名耳字伯陽生時白首人號爲老子又長耳復稱老聃周初觀風西